







17.  
DISPUTATIO JURIDICA

DE

ALIMENTIS,

*Quam*

SS. TRIADE ADJUVANTE,

P R A E S I D E

UIRO NOBILISSIMO, AMPLISSIMO,  
CONSULTISSIMO & EXCELLENTISSIMO

DN. JOHANNI MELCHIORE SAHSE

J. U. D. ET IN INCLUTA ARGENTORATENSIVM

Univerſitate Institutionum Imperialium Professore Cele-

berrimo, Patrono, Praeceptore ac Promotore ſuo

aeatam devenerando,

*Solenni diſquiſitioni ſubjicit*

CAROLUS LUDOVICUS MIEGIUS,

Argentoratensis,

*Ad diem 14. Aprilis.*

*Horae locoque conſuetis.*



ARGENTORATI,

Typis FRIDERICI SPOOR.

ANNO M. DC. LX.



SERENISSIMO AC POTEN-  
TISSIMO  
PRINCIPI ET DOMINO,  
DOMINO  
CAROLO  
LUDOVICO

D. G. Comiti Palatino ad Rhenum, Sac. Rom.  
Imp. Electori & Archi-Thesaurario,  
Bavariæ Duci, &c.

*Domino suo Clementissimo.*



Serenissime Princeps Elector, Domine  
Clementissime:



*U*i conatum meorum in Juris Ci-  
vilis studio primitias dedicarem,  
non diu multumq; mihi fuit circum-  
spiciendum. Cujus enim memoria  
se mihi offerre poterat citius, quam  
illius, pro cuius perpetua salute &  
incolumitate, ut quotidie DEUM immortalem pre-  
cibus meis invocem, ipsa me jubet pietas. Tanta  
enim extitit, Serenissime Princeps Elector, Domine  
Clementissime, jam inde à seculo ferè à Serenissimis  
Antecessoribus, Avo & Parente Tuo, gloriose me-  
morie Principibus in Pro-Avum, Avum & præci-  
pue dilectissimum Parentem meum, Clementia &  
Benignitas, ut cælo, unde omnia bona dimanant,  
merito eam adscribere, proq; eà DEO immortali,  
eumq; imitantibus optimis Principibus gratias de-  
voto



voto animo agere debeamus. Quicquid autem e-  
go, divino adjutus auxilio, in optimarum artium,  
hocq; Jurisprudentiæ studio industriâ meâ conse-  
quar, quæcunq; ea nanciscentur incrementa, id o-  
mne Serenitati Tuæ feram acceptum, utq; iis S. T.  
humilimè inservire possim, maximo adnitar opere.  
Sed memor me ad Principem scribere, calammum hîc  
sisto, cum laudibus Tuis cogitandis, nedum dignâ  
commemoratione de prædicandis tenuitas mea longè  
impar sit; Illæ verò in omni genere ita emineant, ut  
etiam felicissima & eloquentissima seculi nostri inge-  
nia possint fatigare. DEUS T. O. M. Te Sere-  
nissime Princeps, totius Imperii, Patriaq; bono diu-  
tissimè semperq; incolumem conservet. Dabam  
Argentina 6. Aprilis Ann. 1660.

Serenitatis Tuæ Electoralis

devotissimâ fidè

addictissimus cliens

Carolus Ludovicus Miegius





I. N. D. N. J. C.

## DE ALIMENTIS.

### THESIS I.

**C**um verba prius nosse oporteat, quàm res, *arg. l. 1. ff. de l. & l. 1. ff. de furt.* meritò ab ipso Alimentorum vocabulo Disputationis nostræ initium facimus. Derivatur autem vox Alimentorum ab alendo, quod iis corpus humanum alatur, & vita sustentetur: Et accipitur vel generaliter & latè, vel specialiter & strictè. In generali significatione sub se comprehendit, quæcunque ad vitæ humanæ sustentationem sunt necessaria, puta cibaria, seu cibum & potum, vestes, stramentum seu lectum, habitationem, & quæ sunt ejus generis, imò & aquam, in iis scilicet locis, ubi aqua vendi solet, *l. 1. l. 6. l. 14. §. fin. l. fin. ff. de alim. leg. l. 43. 44. 45. 234. §. 2. ff. de V. S. Wesemb. in parat. ad tit. ff. de agn. & al. lib. n. 4. Myns. cent. 3. obs. 12. Pac. in Isagog. d. r. n. 1. Richter. part. 2. decis. 78. n. 23. f. 271. Jo. Petr. Surd. tr. de alim. tit. 4. q. 1. 2. 3. 4. & 7. Hahn. ad Wesemb. rit. de alim. leg. n. 1. Scip. Gent. libr. singul. de alim. ad orat. D. Marcic. cap. 2. & 28.* Strictè verò sumptum Alimentorum vocabulum ea solum denotat, quæ ad cibum quotidianum pertinent; Et eâ significatione nec habitatio, nec vestis, nec alia ejusmodi continentur, *l. 21. ff. de alim. leg. potus tamen non excluditur, l. 19. §. 12. ff. de aur. arg. leg.*

### II.

Alimenta in genere considerata, multis quoque aliis nominibus veniunt, veluti victus, *l. fin. ff. de alim. leg. l. 43. & 44. de V. S. vitæ, l. 234. §. fin. eod. alimoniorum, l. 4. ff. de agnosc. & al. lib. l. 73.*

A

§. 1. ff.



§.1. ff. de jur. dot. vel alimoniam, cap. 2. in fin. de præbend. c. 70. cau. 12. q. 2. c. 22. c. 22. q. 4. necessarii, vel subsidii, vel sustentationis vitæ, l. 5. C. de patr. pot. cap. 11. dist. 31. ut & verbo nutriendi & educandi, l. fin. ff. de alim. leg. Corn. consil. 45. n. 4. Hahn. ad Wes. loco supr. alleg. Iohan. Bapt. Pont. tr. de alim. c. 9. n. 20. 21. & 22. Strictè verò sumpta Alimenta Cibariorum & Diariorum nomine veniunt, l. Diariis 21. ff. de alim. leg.

## III.

Post definitionem nominis sequitur definitio rei; Videntur autem commodissimè Alimenta ita describi posse, quòd sint omnes res ad victum quotidianum sive vitæ humanæ sustentationem & conservationem necessaria, certis quibusdam personis præstandæ. Et dividuntur in publica & privata; Publica sunt, quæ à publicis personis publicè præstantur, qualia olim fuere, quæ Numa Vestalibus de publico statuit, Liv. lib. 1. c. 20. ut & quæ Christiani Principes ex vectigalibus suis detracta sustentandis Ecclesiarum Ministris publicè addixere, quæ ipsa deinceps confirmavere Imperatores Valentinianus & Marcianus in l. 12. §. fin. C. de SS. Eccles. Plura alimentorum publicorum exempla vid. apud Gothofr. in not. ad d. l. 12. lit. f. Scip. Gent. de alim. c. 1. Privata sunt, quæ à personis privatis de privato cujusque patrimonio alicui constituuntur; Et sunt vel testamentaria vel legitima: illa ex hominis, hæc ex legis dispositione debentur. De his primo loco agendum.

## IV.

In primis itaque parentes sustententur alere liberos, de jure Naturali, Gentium & Civili. Educatio enim Juris Naturalis esse dicitur, pr. Inst. de I. N. G. & C. l. 1. §. 3. ff. de I. & I. cap. Jus naturale. dist. 1. l. un. §. 5. vers. fileat. C. de rei uxor. act. l. ult. §. 5. vers. cum enim. C. de bon. qua lib. Et descendit hæc obligatio ex æquitate, charitateq; sanguinis, l. 5. §. 2. ff. de agn. & alend. lib. De Jure Gentium quoq; hanc obligationem procedere dubium non est, cum apud omnes gentes hoc receptum sit: de Jure Civili liberos à parentibus alendos esse, satis ostendunt l. 5. pr. & passim in SS. seqq.



seqq. ff. de agn. & al. lib. l. 3. & 4. C. de alend. lib. ac par. Imò cogi potest hoc jure pater officio judicis ad liberos pro modo facultatum alendos, l. 5. §. 7. & 10. ff. de agn. lib. l. fin. C. de al. lib. ut ita ratione instinctus liberorum educatio sit Juris Naturalis, ratione necessitatis verò Juris Civilis. vid. Hug. Grot. de I. B. ac P. lib. 2. cap. 7. n. 4.

## V.

Et principaliter quidem pater liberos alere tenetur, cum, uti dictum, cogi ad hoc possit officio Judicis; Tenetur autem statim à die partus, quamvis plures sint in contrarium moti, l. 9. C. de patr. pot. & præcipuè Scip. Gent. de secund. nupt. cap. 4. pag. 21. cum tamen loquatur solum de alimento lactis, quia post triennium infantes ab lactabantur, 2. Mach. 7. Gothofr. in d. l. 9. verb. primo. vid. Hahn. ad Wes. tit. de agn. & al. lib. n. 4. Quòd si pater non sit, vel inhabilis sit ad alendum, puta ob egestatem, mater alere tenebitur, l. 5. §. 1. & 4. ff. de agn. lib. Auth. si pater. C. divort. fact. apud quem lib. mor. vel educ. deb. cum obligatio alendi maximè ex charitate sanguinis oriatur, l. 5. §. 2. ff. de agn. lib.

## VI.

Non solum autem primi, sed & secundi & ulterioris gradus liberi alendi sunt, l. ult. §. ipsum. C. de bon. qua lib. l. 5. §. 5. l. 8. ff. de agn. lib. Pacius in Isagog. ad tit. C. de al. lib. ac par. n. 1. quin & emancipati, l. 5. §. 1. ff. de agn. lib. & adoptivi, per l. onera. pen. ff. de Adopt. Surd. tr. de alim. t. 1. q. 2. n. 6. & qui per mulieres ex nobis veniunt, si aliunde alii non possunt, l. pen. ff. de agn. lib. Hugo Grot. de I. B. ac P. lib. 2. cap. 7. n. 4. in fin. Et naturales legitimi, Surd. d. tr. t. 1. q. 8. per tot. Et naturales tantum, Auth. licet. C. de nat. lib. vid. C. I. A. lib. 25. tit. 3. th. 8.

## VII.

Sed quid de spuriiis, adulterinis, incestuosis, & reliquis ex damnato coitu natis sentiendum? Et de Jure quidem Civili certum est, alimenta illis non deberi, Auth. licet. C. de nat. lib. Auth. ex complexu C. de incest. & inut. nupt. Nov. 74. cap. ult. Nov. 89. cap. ult. cap. per venerabilem. extr. qui fil. sint legit. De Jure verò Na-



4

turali & Canonico alendi omnino sunt, *cap. cum haberet. exor. de eo, qui dux. in matrim. quam poll. per adult. ibiq. comm. Canonista, Rittershus. de different. Iur. Civ. & Can. lib. 2. cap. 7. & in expost. Novell. part. 4. cap. 2. n. 21. & 27. & part. 7. cap. 8. n. 5. Hug. Grot. de I. B. & P. lib. 2. cap. 7. n. 4. pag. m. 177. Gail. 2. observ. 88. num. 4. cum Iure naturali nulla inter legitimos & naturales sit differentia, Nov. 89. cap. 9. v. sicut. & ne incestus quidem eo jure committatur. Et hæc ipsa sententia ex æquitate naturali & Canonica profluens neglecto Iuris Civ. rigore in praxi quoque servatur, teste Aretino in l. 1. col. 5. ff. sol. matr. Statutisque quorundam Principum & Rerumpubl. confirmata est, imprimis Electoralis Palatinatus Constitutione, part. 4. tit. 6. Von erbung derer / so von gemeinen weibern / oder verdampfter vermischung geböhren / ibi, doch soll ihnen auß natürlicher mitleidung vnterhaltung und nahrung gereicht werden / cui concordat Reformatio Norica, l. 9. tit. 34. ibi, Doch soll ihnen die Leibs Nahrung / damit sie erzogen werden mögen / folgen und gereicht werden &c. quam ipsam sententiam idem quoque amplecti non dubitamus, quia in casibus peccatum & conscientiam concernentibus Iuris Canonici dispositio obtinet: negare autem liberis alimenta, mortale peccatum est, per l. 4. ff. de agn. & al. lib.*

### VIII.

Filius quoque relegatus & bannitus à patre alendus est, arg. l. 73. §. 1. ff. de jur. dot. Nov. 12. cap. 2. l. 8. & 10. ff. de cap. min. Lex enim civilis non tollit jura naturalia, §. ult. Inst. de legit. agnat. tut. nec bannitus ea perdit, quæ sunt Iuris Gentium, l. 17. §. 1. ff. de pen. nisi tamen filius idem bannitus fuisset, quod contra patriam venisset, juxta Surd. d. tr. de alim. t. 1. q. 3. n. 21. Filium item orthodoxum pater hæreticus, ludæus vel infidelis alere tenetur, l. 19. §. 1. C. de hæret. cap. Iudæi, §. extr. de Iudæis, cap. 14. dist. 30.

### IX.

Non solum autem filii jam nati alendi sunt, sed & in utero existentes, cum in favorabilibus pro jam natis habeantur, l. 7. ff. de stat. hom. licet sint posthumi; Eo enim quoque casu venter prægnans alendus est ex hæreditate defuncti, l. 1. §. 15. & 19. ff. de ventr.



§  
ventr. in possess. mitt. licet mater sit dives, l. 5. pr. eod. Nec solum  
filiis carnalibus, sed & spiritualibus alimenta debentur, in subsi-  
dium scil. si nec parentes, nec alios conjunctos consanguineos  
habeant, referente Bald. in Aurb. nisi rogati. C. ad Sct. Trebell.

X.

Sicuti autem filii, ita & filia alenda, & nubiles jam factae  
dotandae sunt, cum alimentorum loco dos succedat, Surd. t. 1. q.  
10. n. 9. & 19. & inservire debeat oneribus matrimonii, l. 20. C.  
de jur. dot. l. 22. §. 8. ff. Sol. matr. l. Absiduis 12. in pr. C. qui pot. in pign.  
Hinc si pater inops sit, mater filiam dotare debet, arg. l. neq. ma-  
ter. 14. C. de jur. dot. Talis autem dos praestari debet, quae non ex-  
cedat quantitatem alimentorum, alias revocari potest, Surd. d. q.  
10. n. 15. Avus quoque paternus nepoti alimenta subministrare  
debet, l. pen. ff. de lib. agnosc. arg. l. 201. ff. de V. S. & dotare neptem  
ex filio, l. 19. ff. de rit. nupt. l. 6. de collat. l. 7. §. fin. & l. seq.  
ff. de in rem vers. Quod & in proavo & avia paternae locum habet,  
ut & in avo materno, deficientibus ceteris, l. pen. ff. de agnosc. &  
alend. lib.

XI.

Quod de alimentis à parentibus liberis praestandis dictum  
est, adeò procedit, ut nec statuto contrarium disponi possit, jux-  
ta Cynum, in l. sancimus. C. de Nupt. Hartm. Hartm. tit. 37. obs. 3.  
n. 15. Gail. lib. 2. observ. 122. num. 14. & seqq. Quae enim Juris  
Naturalis sunt, prohiberi aut tolli non possunt, §. II. Inst. de I. N.  
G. & C. §. fin. Inst. de leg. agnat. tut. Nec consuetudine intro-  
duci, cum rationem naturalem vincere nequeat, & omnis con-  
suetudo irrationabilis nullarum sit virium, l. 2. C. quae sit long. con-  
suet. Ampliff. Dn. D. Bicc. in Praeloq. Aur. th. 45. Nec pacto effi-  
ci, cum pactum contra Jus Naturale & bonos mores non valeat,  
l. 34. ff. de pact. l. 14. §. I. ff. Sol. matrim. Nec voluntate Principis  
in contrarium nitentis, cum non sit solutus dictamine naturalis  
rationis. Valsq. lib. 1. illustr. controvers. cap. 26. n. 2. Cothmann.  
Respons. 15. n. 28. vol. 4. Curt. Jun. Consil. 170. n. 22. Mantie. de ta-  
cit. & ambig. convent. lib. 23. tit. 1. n. 31. Nec denique Renuncia-  
tione licet jurato à patre facta, cap. 12. extr. de jurejur. Hartman.

B

d. obs.



*d. obs. 3. n. 12. in fin. 13. 16. & seq. Gail. d. obs. 122. num. 14. cum Iuramentum non debeat esse iniquitatis vinculum, cap. 1. de iurejur. in 6. nec obligatorium sit contra bonos mores iuramentum, cap. non est obligatorium. de Reg. Iur. in 6. cap. 3. vers. Caterum. de elect. in 6. cap. 2. de reb. Eccles. non alien. in 6. cap. 18. extr. de Iurejur.*

## XII.

Haecenus de alimentis, quæ liberis à parentibus debentur constante matrimonio; Sequitur ut videamus, soluto matrimonio apud quem & cuius impensis liberi educandi sint; Et hinc quidem distinctè procedendum; Solvitur enim matrimonium vel morte vel divortio; Si divortio solutum fuerit matrimonium, arbitrio iudicis committendum est, utrum apud patrem, an verò apud matrem liberi educari debeant, *l. unic. C. divort. fact. apud quem lib. mor. vel educ. deb. l. 3. C. de alend. lib. ac par.* Novissimè verò Iustinianus constituit, ut divortio patris culpâ facto, & matre ad secundas nuptias non transeunte, impensis patris apud matrem liberi alantur; sin autem mater causam divortio dederit, apud patrem alantur impensis matris, *Nov. 117. cap. 7. Auth. si pater. C. divort. fact. apud quem lib. mor. vel educ. deb. Pac. in Isagog. ad eund. tit. Scip. Gent. de secund. nupt. c. 4. pag. 22. Besold. consil. 110. n. 202. & seqq.* Quod si bonâ gratiâ matrimonium fuerit solutum, tunc ea parentum persona, quæ usumfructum habet lucri nuptialis, ex eo liberos alere tenetur, *Nov. 98. cap. 2. §. 1.* Et hæc obtinent, si divortio matrimonium fuerit solutum; Si verò morte illa ipsa solutio contigerit, & mater ad secunda vota non transierit, apud eam patris ex bonis liberi alentur, dum modò facultates paternæ alimentis sufficiant; Quòd si verò mater iterum nupserit, liberi apud eam educandi non sunt, *l. 1. C. ub. pup. educ. deb.* Cujus rei ratio redditur in *l. lex qua. 22. C. de administrat.* vid. *Scip. Gent. d. cap. 4. pag. 21. & 22.*

## XIII.

Non solum autem alimenta, sed & impensæ in studia vel aliam quamlibet artem liberis à parentibus subministrandæ sunt *arg. l. 6. §. 5. ff. de Carbon. Edict. l. 5. §. 12. ff. de agn. & alend. lib. l. 3. §. 5.*



§. 5. & l. 4. ff. ubi pup. educ. deb. l. 12. §. 3. ff. de administr. tut. l. 2. C. de alim. pup. prest. l. 1. C. de infant. expos. l. Macedoniani. 5. C. ad sct. Macedon. Mynsing. cent. 3. obs. 12. Treutl. vol. 1. disp. 19. th. 13. lit. b. Wesemb. in parat. ff. de collat. dot. n. 3. C. I. A. lib. 25. tit. 3. th. 8. pag. m. 132. propè fin. cum hæc impensa sit quodammodo æs alienum, l. 50. ff. fam. hercisc. ibiq. Dd. Quod aded verum, ut si pater sumptus filio denegaverit, ad honestam aliquam artem, studia in primis liberalia addiscenda, eidem quoque, licet senio confecto & inopiã laboranti alimenta à filio non deberi communiter Dd. statuunt, secundum Ias. in l. 132. n. 33. ff. de V. O. quod ipsum solenni olim lege sancitum fuisse testis est Plutarchus in vita Solon. fol. 6. quem citat Ias. loco supr. alleg. Vid. Petr. Surd. tr. de alim. tit. 7. q. 14. n. 35. Scip. Gent. de bon. matern. cap. 12. pag. 61. & 62.

## XIV.

Debentur autem illæ ipsæ impensæ ita efficaciter, ut nec in collationem veniant, nisi constet patrem expendisse animo credendi, l. 50. ff. fam. hercisc. Hahn. ad Wesemb. tit. fam. hercisc. n. 5. Treutl. vol. 1. disp. 19. th. 13. Wesemb. in parat. ff. de collat. dot. n. 3. Amplif. Dn. D. Bicc. in Aur. sect. 3. thes. 139. n. 4. lit. 7. vid. etiam Carpzov. I. F. p. 3. const. 11. def. 17. 18. 19. & seqq. & Schneidevv. in §. quedam. 20. Inst. de Act. n. 42. & seqq. Neque etiam negotiorum gestorum actione possint repeti, nisi de animo repetendi, vel per expressam protestationem, vel alio quovis modo certò constet, l. 15. C. de neg. gest. cum regulariter præsumptio sit, pietatis intuitu illas ipsas impensas esse præstitas, l. alimenta. 11. C. de neg. gest. Scip. Gent. de secund. nupt. cap. 4. pag. 21. & 22. ejusmodi autem impensæ non repetantur, l. 32. §. 2. ff. de condict. indeb. Dd. in l. 11. & 13. C. de neg. gest. l. 27. §. 1. l. 34. ff. eod. §. fin. Inst. de Oblig. quæ ex quasi contractu nasc. excepto unico casu, l. 16. C. de Nupt.

## XV.

Hactenus de parentibus naturalibus; nunc de vitrico & noverca agendum. Et vitricus quidem privignos alere non cogitur, per l. 15. C. de neg. gest. cum non sit loco parentis, arg. l. 3. C. de furt. & privigni non habeantur vitrico pro liberis absolute



considerati, adeoque cesset paterna affectio regulariter; unde & in dubio animo repetendi sumptus factos præsumi dubium non est, quia regulariter, qui pro alio expendit, cum ex legis vel hominis dispositione ad id non teneatur, animo repetendi expendisse præsumitur, *l. 34. ff. de neg. gest.* nisi tamen impensæ vel sint modicæ, vel servitia à privigno perceperit; alioqui repetendi animus ex parte vitrici omninò præsumetur, & tenebitur privignus contrarium probare, de quo vid. Carpzov. *I. F. p. 2. Const. 10. def. 25. 26. & 27.* & Garl. *de conj. acq. n. 152.* Quod de privigno dictum, in Novercâ quoque obtinet, ex paritate rationis, & facit, quòd nullum inter eos sit jus successionis, *l. 3. C. comm. de success.*

## XVI.

Diximus de alendis liberis à parentibus, sequitur ut & mutuum liberorum officium perpendamus. Liberi igitur vicissim parentibus egenis alimenta suppeditare debent, *l. 5. pr. & §. 2. ff. de agn. & alend. lib. l. ult. §. 5. C. de bon. qua lib. l. 5. C. de parr. pot. l. 1. & 2. C. de alend. lib. ac par. cap. 20. distinct. 86.* quòd ipsum naturali rationi consentaneum esse dicitur, in *l. 5. §. 16. ff. de agn. & alim. lib.* quæ docet, beneficienti mutua esse præstanda officia, *arg. l. 25. §. 11. ff. de petit. her.* Et eleganter hocce liberorum officium, exprimitur vulgari proverbio ἀντιπαρασπείν, Wesemb. *in parat. ff. tit. de agnosc. & alend. lib. n. 4.* Hug. Grot. *de I. B. ac P. lib. 2. cap. 7. n. 5.* similitudine desumptâ à ciconiâ, quæ fertur à liberis ali, teste Aristot. quem refert Gothofr. *in not. ad l. 5. §. 1. ff. de agn. & alend. lib. lit. l.* Unde apparet, obligationem alendi parentes æquè proficisci ab ipsâ naturâ, ac patris obligationem ad alendum liberos, *per l. fin. §. 5. C. de bon. qua lib.*

## XVII.

Hinc etiam ab emancipato filio pater consequi debet alimenta, *l. 5. §. 1. ibiq. Dd. ff. de agn. & alend. lib. arg. l. 10. ff. de cap. min. licet impubere, l. 5. §. 13. ff. de agn. lib. qui si recuset, in patriam potestatem revocatur, l. unic. C. de ingratis lib. Petr. Surd. *rr. de alim. r. 8. privileg. 65. n. 5.* quin & patri incestuoso de Iure quoque Civili alimenta præstanda, Nov. 12. cap. 2. Hahn. ad Wesemb. *tit. de**



*rit. de agn. & alend. lib. n. 4. pag. m. 277. & bannito l. 73. §. 1. ff. de jur. dot. facit, quod filio semper honesta & sancta videri debeat persona patris, l. 9. ff. de obseq. par. & patr. prest. nisi tamen contra patriam quid fuerit, molitus, & ob id bannitus: cum patrie plus debeamus, quam parentibus, l. 35. ff. de Relig. & sumpt. fun. l. pen. ff. de postul. l. 2. ff. de I. & I. l. 1. §. 15. de ventr. in poss. mitt. l. 14. pr. ad Sct. Trebell. l. 19. §. 7. in fin. ff. de captiv. & postlim. rev. l. 14. §. 4. de mun. & hon. Imò quoque eo casu ne quidem tecto impunè patrem filius excipere potest, mitius tamen punitur, l. 2. ff. de Receptat. Gothofr. in not. ad Nov. 12. cap. 2. lit. b.*

## XVIII.

Similiter debentur alimenta patri, qui fideicommissum filio sub conditione relictum, dolo malo dissipans, rescripto Imperatoris omne ejusdem fideicommissi emolumentum amisit. Eo enim casu nihilominus propter reverentiam paternam alimenta ei à filio ex reditu vel fructibus ejus fideicommissi præstanda sunt, l. Imperator. 50. in fin. ff. ad Sct. Trebell. Scip. Gent. de bon. mat. cap. 12. pag. 61. in pr.

## XIX.

Mortuo parente heredes ejus liberos tenentur alere, & e contra mortuo filio heredes ejus patrem alere debent, arg. l. 5. §. 17. ff. de agn. & alend. lib. in casu scilicet summæ egestatis, d. l. 5. Summa autem egestas est, quando quis non habet de proprio, nec potest vivere ex industria, & non extat persona, quæ de jure compelli possit ad præstandum alimenta, Surd. tit. 1. q. 54. n. 16. Sic & fiscus de bonis confiscatis alere tenetur liberos condemnati, arg. l. 2. C. ad L. Iul. de vi publ. l. 5. §. 17. ff. de agn. & alend. lib. Non tamen procedit hoc ipsum in filiis condemnati ex crimine læsæ Majestatis, per l. quisquis. 5. C. ad L. Iul. Majest. c. 22. caus. 6. q. 1. Et hæreseos, cap. vergentis. 10. extr. de heret. nec etiam in filiis natis post condemnationem, vel commissum crimen, Surd. tit. 1. q. 31. n. 37.

## XX.

Frater quoque, vel soror pauper tam uterini, quam consanguinei à fratre, vel sorore divite alimenta capere debent, l. 4. ff. ubi pup.



*pap. educ. deb. l. 13. §. ult. ff. de administr. tut. l. 1. §. 2. ff. de tut. & rat. distrab. C. I. A. lib. 25. tit. 3. rh. 10.* Et frater sororem germanam vel consanguineam dotare tenetur, uterinam alere tantum non dotare, *per l. 12. §. 3. ff. de administr. tut.* Quin & patruus fratris filio aliunde non habenti alimenta subministrare debet, *arg. Nov. 118. cap. 3.* ubi dicitur, in successione filium fratris patris locum ingredi; adeoque sicuti frater, ita & fratris filius alendus erit. Pari modo nepos patrum, avunculum & amitam egenos sustentare debet, *fac. cap. 1. de cohabit. Cleric.*

## XXI.

Post parentes & liberos, eorumque successores, ut & ceteros consanguineos, sequitur maritus, qui uxori suae alimenta subministrare tenetur, *l. pen. ff. ut in possess. legat. l. 20. §. 2. ff. fam. hercisc. l. 21. §. 1. de donat. int. vir. & uxor. l. 22. §. 8. solut. matrim. Treutler. vol. 1. disp. 10. th. 3. lit. E. & vol. 2. disp. 6. th. 7. lit. K. in fin. praesertim si dotem receperit, cum ea servire debeat oneribus matrimonii, l. 20. C. de jur. dot. d. l. 22. §. 8. sol. matrim. l. Assiduis in pr. C. qui pot. in pign. unde & oneroso titulo habere dicitur, in l. 19. ff. de O. & A. Interdum tamen uxori etiam sine dote ductae alimenta sunt praestanda, *arg. l. 28. ff. de relig. & sumpt. fun.* dummodo in obsequio mariti sit, vel culpa mariti obsequium praestare nequeat, veluti si ob nimiam mariti saevitiam & malam tractationem aufugerit, secesserit, & separationem thori petierit, *cap. extr. de restitut. spol.**

## XXII.

Non solum autem uxorem sanam alere, sed & infirmam, atque aegrotam curare, & medicamentis, aliisque ad recuperandam sanitatem necessariis eidem succurrere maritus tenetur, *l. 22. §. 8. ff. sol. matrim.* idque non de dote, sed de proprio, ita ut repetere nequeat, *per l. 13. C. de neg. gest. Chall. in Consu. Burg. rub. 4. §. 9. verb. Et faits funeraux. n. 1. 2. 3. & 4.* Quod si non fecerit maritus, successione uxoris indignus judicatur, cum per negligentiam & culpam ejus mortua praesumatur, *l. 3. ff. de his que ut indign. Rauchb. p. 2. q. 26. n. 26.*

## XXIII.



13.  
XXIII.

Hæc de alimentis uxori præstandis constante matrimonio; quod si morte mariti matrimonium fuerit solutum, vidua aliunde non habens ab hæredibus ejus intra annum luctus, & post illum quoque, si ad secundas nuptias non transeat, alenda est, cum in eodem matrimonio manere videatur, *arg. l. ult. C. de bon. mat. vid. Scip. Gent. de secund. nupt. cap. 5.* nisi tamen post annum luctus dotem habeat, vel in morâ eam petendi fuerit: eo enim casu hæredes alere eam non tenentur, *Surd. t. 1. q. 45. n. 1. & 2.* secus si nec dotem, nec aliunde habeat, unde se alat, *id. d. q. num. 11.* tunc enim quarta vel virilis portio bonorum mariti ei debetur, ut exinde alimenta percipiat, *Auth. præterea. C. unde vir. & ux. Nov. 53. cap. 6. Nov. 117. cap. 5.* quæ propterea testamento auferri nequit, *Ludvvel. tr. de ultim. volunt. p. 1. c. 4. pag. 84.*

XXIV.

È contrâ quoque marito egeno ex fructibus dotis ab uxore præstanda sunt alimenta, *l. 29. C. de jur. dot. l. 73. §. 1. ff. de jur. dot. Dd. in l. 24. ff. sol. matrim.* quod si non extet dos, vel fructus non sufficient, de paraphernalibus, vel aliis bonis ab uxore alendus erit, *arg. l. 1. & Auth. seq. C. und. vir. & ux. Nov. 53. cap. 6. l. 22. §. 7. vers. quid enim. ff. sol. matrim. Treutl. vol. 2. disp. 6. th. 7. lit. k.* Nec solum constante matrimonio ab uxore, sed & per mortem soluto eo ab hæredibus uxoris maritus alendus est, ex natura correlativorum, & propter reverentiam matrimonii benè transacti, neve in opprobrium uxoris defunctæ mendicare cogatur.

XXV.

Socer quoque nurui alimenta præstare debet, *arg. l. 5. §. 12. ff. de agn. & alend. lib. 1. 20. §. 2. ff. fam. hercisc. c. 15. caus. 35. q. 2.* Et vicissim nurus socero, *arg. l. 15. in fin. & l. 16. ff. sol. matrim. d. c. 15.* Sic & gener socerum & socrum alere, & ab his vicissim ali debet, *Surd. t. 1. q. 39. n. 16.*

XXVI.

Hactenus de personis, quibus arcto quodam cognationis vel conjunctionis vinculo alimenta debentur; Sequuntur personæ



sonæ quædam, quibus ob alias rationes alimenta lege sunt præstanda. Et primo quidem loco patroni egentes, eorumque parentes & liberi à libertis alendi sunt, *l. 5. §. 18. & seqq. l. ult. ff. de agnosc. & alend. lib. l. 41. ff. l. 1. C. de oper. libert.* Hahn. ad Wesemb. tit. de agnosc. & alend. lib. n. 4. pag. 277. Pac. in Isagogic. eod. tit. n. 5. propter arctissimum illud vinculum scil. quod inter patronum & clientem intercedit, de quo Rosin. *l. 1. antiq. Rom. c. 16.* Quòd si alimenta patrono libertus deneget, cum præstare illa posset, in servitutem revocatur, *l. 6. §. 1. ff. de agnosc. & alend. lib. c. 62. caus. 12. q. 2. l. 2. C. de libert. & eor. lib.* Econtrario quoque libertopau- peri à patrono alimenta sunt præstanda, *l. 18. ff. de oper. libert.* quod si recuset patronus, perdit jus patronatus, *l. 6. pr. ff. de agnosc. & alend. lib. l. 5. §. 1. ff. de jur. patron. l. 33. ff. de bon. libert.*

## XXVII.

Donatarius quoque donatorem egenum alere tenetur, non quidem necessitate præcisâ, sed causativâ, quia aliàs donatio re- vocari potest, juxta communem Dd. opinionem, per *l. fin. C. de revoc. donat.* quam tamen, & forsan rectius refutat Ludvvel. *disp. Instit. 6. th. 10. lit. d.*

## XXVIII.

Sic & Dominus feudi à Vasallo alendus est, *arg. 2. feud. 6. de forma fidelit. Rittershus. in partit. feudal. lib. 2. c. 1. n. 40. Ioh. Gar- sia tr. de expens. & meliorat. c. 12. n. 72. & 76. ubi etiã in filium domi- ni mortui extendit.* de redivibus sc. feudi, non de propriis Vasalli bonis; Si tamen vasallus sit egens, ne quidem de redivibus Do- minum feudi alere tenebitur, cum amor incipiat à se ipso, *arg. l. 6. C. de servit. & aquâ.* Et vicissim vasallo pauperi Dominus feu- di alimenta subministrare debet, per *d. tit. 6. lib. 2. feud.* vid. *Surd. t. 1. q. 56. n. 1. 2. 3. & 4.* quod & procedit in eo, qui inhabilis factus est ad serviendum, si feudum sit pingue, & ipse non habeat aliun- de, *1. Feud. 6. §. fin.* si sc. ex defectu naturali, non delicto vasalli inhabilitas proveniat, per *d. rext. sicuti & Prælati sine culpâ de- positus de fructibus beneficii ali debet, cap. 1. & t. r. extr. de Cler. aprot. vel debilit.* Quæ omnia locum habent, nisi pactum in In- vestitura



vestiturâ appositum aliud disponat, Hartm. *tit. 54. obs. 33.* Quod autem de alimentis Vasallo præstandis dictum est, eo usque extenditur, ut & in casu extremæ necessitatis invito Domino secundum Vasallus alienare possit, juxta Mynsing. *cent. 6. obs. 30. in fin.* Rittershus. *in partit. feud. lib. 2. c. 2. n. 6. & c. 5. n. 81.*

## XXIX.

Porro Primogenitus in Electoratu, Principatu vel Ducatu succedens reliquis fratribus alimenta, quæ ad decoram eorum sustentationem, & vitam pro conditione Principis degendam sufficiant, suppeditare debet, Surd. *de alim. r. 1. q. 27. n. 1.* vid. Speidel. *in notab. voce abgefundenen Herren.*

## XXX.

Similiter subditi Dominum in necessitate constitutum alere tenentur. Si enim pro defensione rerum seu status collectam à subditis Dominus exigere possit, quantum magis ad sustentationem ipsius Domini obligabuntur; Bald. *in l. neminem C. de SS. Eccles.* Item Ecclesia patronum summâ egestate laborantem, *cap. 25. extr. de jur. patron. can. 7. caus. 10. q. 2.* Gutier. *de tur. p. 3. c. 20. n. 18.* ut latè deducit Finckelthaus. *de jur. Patron. Eccles. c. 1. & seqq.* juxta communem versiculum,

Patrono debetur honor, onus, utilitasque  
Præsentet, præsit, defendat, alatur egenus.

Quod si universitas aliqua Ecclesiæ patrona sit, non universitas, sed soli universitatis Rectores ab eâ alendi veniunt, Surd. *r. 1. q. 54. n. ult.*

## XXXI.

Et vicissim populo egeno alimenta præstanda à Principe, Republicâ, Civitate vel Rectoribus, *arg. l. 1. C. de Episcop. aud. l. Civitatibus. 122. in fin. pr. ff. de leg. 1.* Ad evitandam autem ejusmodi paupertatem plurima à Magistratibus circa annonam laudabiliter sancita sunt; Hinc pœna Legis Juliæ de Annonâ statuta adversus eos, qui fecerint, quod annona carior fiat, *l. 2. pr. ff. ad L. Iul. de annonâ.* Hinc monopola vetita, *l. unic. C. de Monopol.* Hinc & præfecti annonæ olim fuere constituti, & speciales Episcopi panis & cæteris rebus venalibus ad quotidianum victum

C

servien-



servientibus propositi, l. 18. §. 7. ff. de mun. & hon. quos Galli Commissaires des vivres appellant, Gothofr. in nor. ad l. 2. in pr. ff. ad l. Iul. de annonæ, lit. æ. quæ ipsa cura olim ipsis quoque præfectis urbi incubuit, ut scilicet justo pretio caro & annonæ vendatur, & ita alimentis populus frui possit, l. 1. §. 11. ff. de offic. præf. urb. Et Episcopis seu Ministris Verbi injungitur, l. 1. C. de Episcop. aud. Non solum autem præsentem, sed & futuram populi necessitatem respicere solent optimi Principes & Respublicæ; Ideoque horrea publica victualibus munita habent, ex quibus populum in casu necessitatis sustentent.

## XXXII.

Milites porrò à Republica alendi sunt, l. Milites 31. in fin. C. de Locat. arg. cap. 16. extr. de præscript. Ratio redditur, in c. militare. 5. caus. 23. q. 1. Et Advocato provinciam exeunti alimenta debentur, ut & judici, quem quis conducit ad locum aliquem, & delegato ad alium locum se transferenti, arg. l. 10. §. 9. ff. Mandati.

## XXXIII.

Magistri quoque & Præceptores pauperes à discipulis alii debent, arg. l. 2. §. 47. vers. Ergò Sabino. ff. de Orig. Jur. cap. 4. extr. de Magistr. l. 27. ff. de donat. l. 12. §. 3. ff. de admin. tut. l. 1. ibi, suos filios C. de excusat. Artific. Et alumnus dives alere tenetur nutritorem & nutricem, arg. l. 5. §. 13. ff. de agn. & alend. lib. obligatur enim ad id obligatione Antidotali, quæ alendi necessitatem producit, Surd. r. r. q. 52. n. 1. & 2. in fin.

## XXXIV.

Equus depositus à quoniam alendus sit, quæritur? Et respondetur, à deponente, non depositario alendum, arg. l. 12. in pr. ff. de pos. Idem est, si equum, vel aliud aliquod animal pignori quis cepisset, Dominus enim illud alere tenetur, l. 29. §. 7. ff. ad L. Aquil. Conducens autem operarium non tenetur ei præstare alimenta, nisi consuetudine aliud observetur, nisi etiam ex merâ liberalitate operas quis promiserit; Tunc enim naturali ratione alimentorum expensas præstare is debet, ad quem usus hominis pertinet, l. 18. §. 2. ff. Commod. Usufructuarius quoque alimenta à lege



lege debita præstare tenetur, arg. l. 50. in fin. ff. ad Sct. Trebell. l. fin. §. 4. vers. Hoc procul dubio C. de bon. qua lib.

## XXXV.

De Infantibus expositis videamus, cujusnam sumptibus illi ipsi alendi sint; Et quidem infantes à tertio patre ignorante vel invito expositos quod attinet, eos si repetere velit pater, impensas in alimentationem & instructionem eorum factas restituere cogitur, l. 1. C. de infant. expos. Quod si ipse pater, filium exposuerit, alimenta ab eo non repetentur, unico tamen casu excepto, si scil. pater impediat aut prohibeat, ne filia exposita nubat filio susceptoris, l. patrem. 16. C. de nupt. Quod ad infantes expositos, quorum parentes ignorantur, quos Galli vocant Enfans trouvez, illi in publicis hospitalibus, seu Brephotrophiis, quorum fit mentio in Rubr. C. de Episc. & Cler. l. 19. & 22. in pr. C. de SS. Eccles. aluntur; cujusmodi loca plurima Lutetia constituta sunt, teste Gothofr. in not. ad Rubr. C. de Episc. & Cler. lit. q. Quod si talia non extent, solent communitates locorum eos nutricibus publicâ impensâ nutriendos dare, Surd. t. 1. q. 81. n. 2.

## XXXVI.

Et in genere pauperes omnes alendi sunt. cap. 8. distinct. 47. cap. 2. dist. 42. cap. 1. dist. 82. cap. 14. distinct. 86. Esai. 58. Luc. 6. & 12. Matth. 25. Ioan. 1. Deut. 15. non solum à privatis, sed & à Principibus, seu Magistratibus. In eum finem Ptochotrophia, Xenodochia & orphanotrophia constituta sunt, Clementin. quia contingit, de Religios. domib. quorum itidem fit mentio in Rubr. C. de Episc. & Cler. l. 19. & 22. in pr. C. de SS. Eccles. l. 32. l. 49. §. 3. C. de Episc. & Cler. vid. Pac. in Isagogic. in C. eod. tit. n. 19.

## XXXVII.

Tutores quoque pupillis alimenta subministrare tenentur, l. 3. & passim. t. t. ff. ubi pup. educ. deb. & de alim. ei prest. t. t. C. de alim. pup. prest. l. 6. §. 5. ff. de Carbon. edict. ut & impensas in studia vel aliam quamlibet artem, d. l. 6. §. 5. de Carbon. edict. l. 4. ff. ubi pup. educ. deb. l. 3. §. 5. eod. l. 12. §. 3. ff. de administr. & peric. tut. l. 2. C. de alim. pup. prest. Wesemb. in parat. ff. ubi pup. educ. deb. n. 3.



Præstanda autem sunt pupillo alimenta ad modum à prætore definitum, *l. 2. §. 1. l. 3. §. 1. & 4. ff. ubi pup. educ. deb.* ita ut semper aliquid ex redivo superfit, si patrimonium sit amplum. Ideoque non pro cumulo patrimonii alimenta præstabit, sed quantum exhibitioni frugaliter sufficit, cum aliàs diminuto patrimonio ipsa quoque alimenta minuerentur, *d. l. 3. Gutierrez. de tut. p. 3. c. 12. n. 7.* Nec solum ipsum pupillum, sed & matrem pupilli egenam alere debet, *l. 5. §. 1. ff. de administr. tut. l. 1. §. præterea. ff. de tut. & rat. distrab.* & sororem, cui etiam mercedes magistrorum exsolvere potest, *l. 4. ff. ubi pup. ed. deb.* Quod si tutor alere pupillum negligat, & copiam suis, ut pupillo alimenta decernantur, non faciat, pupillus quidem in possessionem bonorum eius mittetur, ipse vero tutor ut suspectus removebitur, *§. 9. Inst. de susp. tut. vel cur. l. fin. ff. ubi pup. educ. deb. l. 3. §. 14. ff. de susp. tut.* Sin autem per mendacium alimenta decerni posse neget, corporaliter punietur, *§. 10. Inst. & l. 3. §. 15. ff. de susp. tut.*

## XXXVIII.

Tutor non est alendus de bonis pupilli, *arg. §. 6. Inst. de Excus. tut. l. 33. §. fin. ff. de administr. tut.* nisi hic sit illustris persona, per tradita Gutierrez: *de tut. & cur. p. 3. c. 2. n. 9.* potest tamen ei salarium ex certa causa à Iudice constitui, *d. l. 33. §. fin.* ut & à contutoribus, *l. 1. §. 6. ff. de tut. & rat. distrab.* nisi tamen malè administrat; Eo enim casu nec alimenta nec salarium habere debet, *arg. l. 11. C. de annon. & tribut.*

## XXXIX.

Hactenus in Thefi vidimus, quibus lege debeantur alimenta; Nunc *de ægei* dispiciamus, quibus e contrario & quibus ex causis alimenta denegari queant. Et primò in genere notandum, liberis ex iisdem causis alimenta non esse præstanda, ex quibus ex hæredari possunt, *gl. in l. 5. §. 11. in verb. deculerat. ff. de agnosc. & alend. lib.* cum sint pro mortuis exheredati, *Geil. lib. 2. obs. 122. n. 18.* In specie autem non debentur alimenta filio contra patriam venienti, adeoque hosti patriæ, *Surd. tr. de alim. tit. 7. q. 3.* & hæretico, cum ob hæresin quoque exheredari possit, *Nov. 115. c. 3. fact. l. 19. in pr. C. de hæretic.* & invito patre extra domum patris habitanti



tanti, gloss. in cap. significasti. extr. de divorz. Item filio aliunde habenti, ex artificio scil. honesto, l. 5. §. 7. ff. de agn. & alend. lib. Hahn. ad Wesemb. d. tit. n. 4. pag. 277. in fin. Et filia in corpus suam peccanti, & luxuriosè viventi, per dict. Nov. 115. cap. 3. Liberis item cum inhonestâ & indignâ aliquâ personâ matrimonium contrahentibus, Surd. tit. 7. q. 6. n. 17. Pater quoque in summâ egestate constitutus liberos alere non tenetur, l. pen. ff. de agnos. & alend. lib. cum ordinata charitas incipiat à se ipso, per l. prases. C. de servit. & aq. Idem obtinet, si bona adventitia pater liberis restituerit, Richter. p. 1. decis. 18. n. 7. fol. 200. Sic & matri naturalis obligatio lactandi filium à iure Civili nonnunquam remittitur, Ioann. Bapt. Pontan. tr. de alim. cap. 8. n. 2. si aut infirmitate, aut nobilitate & conditione, aut patriæ consuetudine impediatur, quibus casibus onus alendi ad patrem revertitur, cum debitum matris in lactando filium sit personale; Quod si absq; iustâ causâ lactare recuset, alii nutrici filius expensis matris lactandus dabitur, Surd. tit. 7. q. 13. n. 13.

## XL.

Filius eidem parentem alere non tenetur, ex iisdem causis, ex quibus eum exheredare potest, quæ recensentur in Nov. 115. c. 4. Idem juris est, si pater contra patriam pugnaverit, d. Nov. 115. c. 3. §. 3. ibi, quæ non sunt adversus Principem vel Remp. vel læsæ Majestatis reus sit, Gothofr. in not. ad Nov. 12. cap. 2. lit. p. vel ipse dives sit, per l. 5. §. 7. ff. de agn. & alend. lib. vel inopiâ laboret filius, per l. 6. C. de servit. Quæ omnia in matre quoque obtinent, Surd. tit. 7. q. 14. n. ult.

## XLI.

Uxor postò sine causâ à marito secedens non est alenda, liconsensu 8. §. 4. C. de Repud. ut nec uxor adulterium committens, arg. cap. 9. extr. de sponsal. cap. 4. §. 8. de divorz. & hæretica, Surd. tit. 7. q. 21. Sic nec maritus adulter ab uxore alendus est, arg. l. 10. §. 1. ff. sol. matr.

## XLII.

Hucusque vidimus de alimentis lege debitis; Sequitur ut de iis, quæ hominis dispositione debentur, paucis agamus. De Legato



Legato igitur Alimentorum notandum, sub eo contineri, quæcunque ad vivendum, tuendum, curandumve corpus humanum necessaria sunt; quæ verò ad disciplinam & studia pertinent, non item, *l. 6. ff. de alim. vel cibis leg.* nisi aliud testator senserit, *l. 7. eod.* nisi etiam jure naturæ aut legis dispositione debeantur, veluti si pater legasset, *Mynsing. 3. obs. 12.* Hahn. ad *Wesemb. tit. de alim. leg. n. 1. pag. 445.* Pontan. *tr. de alim. cap. 17. n. 21.* Sed an & pharmaca seu Medicamenta alimentis legatis debeantur, quæri solet? Constat sanè ex *l. 5. pr. ff. de pen. leg.* pharmaca propriè ad alimenta non pertinere. Idem probari videtur *arg. l. 22. §. 8. ff. sol. matrim. ibi, & alimenta præstare, & medicina &c.* ubi Baldus ex conjunctione illâ copulativâ, &, argumentatur, legatis alimentis non contineri pharmaca, *Gothofr. in not. ad d. l. 22. lit. d.* Pro re tamen & qualitate personarum alimentis medicamenta quoque contineri, dubium non est, *Scip. Gent. de alim. cap. 2. p. 4. & 5.* quam ipsam quoque opinionem ex *Michaele Grasso* communem esse dicit *Gothofr. ad fin. pr. l. 6. C. de his qui ad Eccles. confug.* Quin & in personâ nobili Equi, ut & navis & Rheda seu Carrocia sunt pars alimentorum, *arg. l. 10. §. 9. ff. Mand.*

## XLIII.

Modus autem in Legato alimentorum statui debet ex defuncti facultatibus, *l. 22. pr. ff. de alim. leg.* Et solvenda sunt secundum dignitatem & qualitatem personæ alimentariæ, *l. 14. ff. de ann. leg. d. l. 22. pr. de alim. leg. l. 13. in pr. ff. de adm. tut. l. 1. §. 19. l. 4. §. 1. ff. de ventr. in poss. mitt. l. 15. §. 2. de usufr.* & quidem in specie, non in æstimatione, *l. 7. C. de Eroga. milit. ann.* Hahn. ad *Wesemb. tit. de alim. leg. n. 2.* ubi duas limitationes adjicit; In primis autem habenda est ratio voluntatis testatoris, & quid is præstare fuerit solitus, *d. l. 22. in pr. ff. de alim. leg.* Hahn. ad *Wesemb. eod. tit. n. 3.* Non tamen semper ipsa alimenta, sed aliquando ager datur, vel fundus, ex quo quis se alit, *l. 4. l. 12. ibiq. Gothofr. l. 21. de alim. leg. l. 2. §. 7. de usufr. leg.* Fundo autem ad alimenta relicto; ipsa censetur relicta proprietas, *l. 4. pr. ff. de alim. leg. l. 8. §. 15. ff. de Transact. Wesemb. in parat. ff. de alim. leg. num. 4.* quæ propterea ad heredes quoque transit, *Surd. tit. 2. q. 1. n. 8.*

XLIV. Et



## XLIV.

Et quidem præstanda sunt alimenta ex redditibus, accessio-  
nibus & fructibus patrimonii, non autem ex pretio venditæ pro-  
prietatis, l. 3. §. 1. ff. ubi pup. educ. deb. l. pen. pr. ff. de alim. leg. l. 1. §.  
19. de ventr. in poss. mitt. l. 50. in fin. ff. ad Trebell. Hinc si alimenta  
relicta sint ex certâ pecuniâ, illa ipsa poni debet penes Mercato-  
res ad honestum lucrum, ut ex eo lucro legatarius alatur: arg. cap.  
per vestras. extr. de donat. int. vir. & ux. Ita tamen, ne omnes re-  
ditus erogentur, sed semper aliquid ex iisdem super sit, l. 3. §. 1. ff.  
ubi pup. educ. deb.

## XLV.

Alimenta collegiis legata annuatim, l. 49. C. de Episc. & Cler.  
privatis menstruatim præstantur, l. ult. ff. de agnosc. & alend. lib. l.  
8. ff. de alim. leg. nisi talia sint alimenta, quæ menstruatam solutio-  
nem non recipiant, veluti vestimenta, calciamenta, lecti & alia  
ejusmodi; Ea enim, quandoque subest necessitas, præstanda  
sunt, Surd. r. 4. q. 17. n. 3. Hahn. ad Wes. tit. de alim. leg. n. 2. Ali-  
mentis autem ex certo fundo relicta, licet ex eo fundo non per-  
cipiantur fructus alimentis sufficientes, integra nihilominus de-  
bentur, l. 12. ff. de alim. leg. Quia debentur alimenta etiam ei,  
qui implicite continetur in dispositione, l. 40. ff. de usufr. leg. l. 36.  
§. 2. ff. de leg. 1. Et usufructuarius relicta ex re (certâ sc. puta præ-  
dio) alimenta præstare tenetur; & inter onera ejus hoc ipsum  
refertur, l. usufructu. 7. §. 2. ff. de usufr.

## XLVI.

In genere autem de alimentis futuris quâvis ultimâ volun-  
tate relicta notandum, transigi de illis non posse citrà Prætoris  
auctoritatem, l. 8. ff. & l. 8. C. de Transact. quod ipsum cautum est  
oratione Divi Marci Antonini Philosophi, quam in Senatu vel i-  
pse vel per quæstorem suum recitavit, & deinceps Ulpianus] Cuius  
perquàm diligenter est interpretatus, in d. l. cum hi. 8. ff. de Trans-  
act. Nec obstat, l. 23. §. 2. ff. de condict. indeb. in quâ prohibita ali-  
mentorum Transactio Senatus Consulto adscribitur; Ided e-  
nim fit illud ipsum, quia ad orationem Divi Marci Senatus Con-  
sultum deinceps factum est, Scip. Gent. libr. singul. de alim. ad orat.  
D. Marci



. 20 .

*D. Marci, cap. i. pag. 3. & Ampliff. Dn. D. Bicc. in præloq. Auv. th. 46. pag. 35. lit. u.* Procedit autem illa ipsa prohibitio solum in alimentis futuris & ultimâ voluntate relictis; De præteritis enim licitè transigitur, *l. 8. in pr. C. de Transact. Scip. Gent. dict. tr. cap. 8.* ut & de futuris ex contractu debitis, vel inter vivos constitutis, *l. 8. §. 2. vers. planè. ff. de transact. Scip. Gent. de alim. c. 10.* Hahn. ad *Wesemb. tit. de transact. n. 5. pag. 425.* Treutl. *vol. 1. disp. 7. th. 4. lit. f.* Causa impulsiva prohibitionis fuit, quia alimentarii contenti modico præfenti facillè cum hærede de iis transigerent, *l. 8. pr. ff. de transact.* Præcipuam verò causam prohibitioni dedit voluntas ipsa testatoris, non favor ultimæ voluntatis, *Scip. Gent. de alim. cap. 3.* quin & ipse alimentorum & alimentarii favor, Imò & utilitas publica, ne Civitas repleatur mendicis, & quia interest Reip. ne quis re suâ malè utatur, *§. 2. Inst. de his qui sui vel al. jur. sunt. Scip. Gent. d. cap. 3.*

XLVII.

Valet tamen Transactio de futuris quoque alimentis relictis, duobus in casibus, si vel fiat coràm Magistratu causâ cognitâ, quæ ipsa notio in tribus consistit, in causâ nimirum transactionis, in modo & in personis, *l. 8. §. 8. & seqq. ff. de Transact.* late *Scip. Gent. de alim. cap. 13. & multis seqq.* Vel etiam, si per Transactionem melior facta sit Alimentarii conditio, licet prætoris auctoritas non accesserit, *d. l. 8. §. 6. ff. de Transact. Hahn. ad Wesemb. eod. tit. n. 5. pag. 425.* *Scip. Gent. cap. 23 pag. 81.* Quòd si neque prætoris cognitio accesserit, nec melior alimentarii facta sit conditio, ne jurata quidem valebit transactio, *Treutl. vol. 1. disp. 7. th. 4. lit. g. & i.* *Scip. Gent. cap. 30. per l. 5. C. de Legib. & quod ob eam datum erit, repeti potest per conditionem indebiti, l. 23. §. 2. ff. de Cond. indeb. l. 8. §. 22. ff. de transact. vid. Scip. Gent. cap. fin.*

XLVIII.

Occurrit hîc quæstio contrariis decisa votis: An de alimentis pacisci liceat? Et omninò negandum videtur juxta communem Dd. opinionem, *Treutl. vol. 1. disp. 7. th. 4. lit. i.* *Scip. Gent. de alim. cap. 4. pag. 12. in princ. a qua tamen ipse postmodum secedit.*  
Procedit



Procedit autem sententia negativa tùm demum, si pactum ad eundem cum Transactione tendat finem, vel omninò sit gratuitum, *Coler. tr. de alim. lib. 2. c. 8. n. 48.*

## XLIX.

Quod autem ad transactionem alimentorum ritè factam, eà nec habitatio nec vestiarius continetur, sed de iis specialiter transigi oportere à D. Marco constitutum est, *l. 8. §. 12. ff. de transact.* idque tùm ob favorem alimentorum & alimentarii, tùm ob strictam acceptionem alimentorum, & ipsius transactionis, quæ stricti juris est, *l. 9. §. 1. ff. l. 31. C. de transact. Welemb. in parat. eod. n. 2. Scip. Gent. de alim. cap. 2. De transactione alimentorum qui plura scire desiderat, videat omninò Scip. Gent. d. tr. de alim. Borcholt. de transact. cap. 3. n. 23. usq; ad n. 64. Surd. tr. de alim. tit. 8. privil. § 6. per tot.*

## L.

Substituimus hactenus in consideratione ipsorum alimentorum; Sequitur ut de Modis ea petendi breviter tractemus. Petuntur autem vel Iure Actionis, vel officio iudicis; Et patri quidem à filio & econtra alimenta debentur officio Iudicis, *l. 5. pr. ff. de agn. & alend. lib. 1. fin. §. 5. in pr. C. de bon. qua lib. l. 7. C. de patr. pot. t. t. C. de al. lib. ac par. l. 5. §. 10. ff. de agn. & alend. lib. cap. cum haberet. §. ex. de eo qui dux. in matrim. quam poll. per adult.* qui de alimentis præstandis inter parentes & liberos cognoscere debet, *d. l. 5. pr. ff. de agn. & alend. lib.* Quòd si parens neget filium, vel filius parentem, idem Iudex summarie super eà re cognoscet, & si qualitercunque constiterit filium vel parentem esse, alimenta decernet, secus si nullo modo constiterit, *l. 5. §. 8. ff. de agn. & al. lib.* Nec tamen illa ipsa provisio de alimentis à iudice facta veritati facit præiudicium, sed in causâ cognitione nihilominus proceditur, & de veritate quæstio habetur, filius vel parens sit, an non, *l. pen. ff. de his qui sui vel al. jur. sunt, l. 5. §. 9. ff. de agn. & alend. lib. l. 3. C. de infant. expos.* Sin autem Iudicis decreto quis refragetur, & alimenta præstare nolit, ipse Iudex pro modo facultatum alimenta constituet, *d. l. 5. §. 10. ff. de agn. & al. lib. l. fin. C. de al. lib. ac par. l. fin. ff. de al. leg. l. 2. C. de alim. pup. prest.*

D

Gail.





Gail. 2. obs. 88. n. 7. 10. & seq. qui si adhucdum præstare recuset, pignoribus captis & distractis sententiæ cogetur satisfacere, d. l. 5. §. 10. ff. de agn. & al. lib. Quæ omnia in reliquis quoque ascendentibus & descendentibus, in casu quo quis alere tenetur, obtinent; nisi tamen legitimæ loco alimenta debeantur, tunc enim petuntur jure actionis, Surd. t. 3. q. 1. n. 29. Patrono quoque à liberto & vicissim alimenta præstanda sunt officio judicis, l. 5. §. 18. & seqq. ff. de agn. & alend. lib.

## L I.

Sed & jure Actionis nonnunquam alimenta petuntur; Sic Maritus moram passus in solutione dotis à Socero promissæ, habet actionem negotiorum gestorum, quâ petit alimenta præstita uxori, vel interusura dotalia, arg. l. 34. ff. & l. 11. C. de neg. gest. Sic & tutor contrario tutelæ judicio à pupillo repetit, quod in alimentationem & educationem ejus impendit, cum hi sint sumptus ex necessitate officii facti, l. 12. §. 3. ff. de admin. tut. l. 3. §. 14. de susp. tut. quos omnino repetit, l. 3. in fin. pr. ff. de contr. tut. & ut act. l. 3. C. de admin. tut. Quin & de rebus pupilli durante officio sibi satisfacere potest, l. 9. §. 5. ff. de admin. tut. cum aliàs quoque creditor sibi ipsi solvere & possit & debeat, si negotia debitoris gerens pecuniam inde redegerit, l. 13. ff. de neg. gest. Add. Gail. 2. obs. 130. n. 11. Præter contrariam autem tutelæ actionem datur ei quoque actio negotiorum gestorum, arg. l. 2. ff. de neg. gest.

## L II.

Alimenta legata peti possunt actione personali, l. 3. ff. de alim. leg. l. 1. C. de fideicommiss. junct. l. 1. C. comm. de legat. vel etiam officio Judicis, Surd. t. 3. q. 4. n. 11. In specie autem alimentorum pauperibus relictorum petitio cuilibet de populo datur, cum hoc sit legatum ad pias causas, cuius petitio ab omnibus institui potest, arg. Nov. 131. cap. 12. facit etiam, quod ejusmodi relictum ad honorem pertineat civitatis, l. civitatibus. 122. in fin. pr. ff. de legat. 1.

## L III.



## LIII.

Transimus nunc ad alimentorum Effectus, qui in ipsis alimentorum privilegiis sese exserunt; Causa igitur alimentorum summam cognosci debet, *l. 5. §. 8. ff. de agnosc. & alend. lib.* nec libellus in eâ requiritur, formalis scilicet sed sufficit qualisqualis petitio, ex qua cognosci possit actoris intentio, per *Clementin. sepè. de V.S.* nec litis contestationem desiderat, *d. Clement.* Dilationes breviores in eâ conceduntur, *Gothofr. ad rubr. ff. de al. leg. lit. a.* die quoque feriato examinari potest, *l. 2. ff. de fer. fac. l. 1. in pr. ff. ubi pup. educ. deb.* quod intelligendum de feriis ob hominum necessitates indultis, non de iis, quæ ad honorem DEI sunt introductæ, per *d. Clement.* nisi tamen pietatem habeant annexam, seu pauperi alicui debeantur, *Surd. tit. 8. privileg. 2. n. 12. & 13.*

## LIV.

Porro in causâ alimentorum Iudex non requisitus officium suum impartitur, *l. 89. in pr. ff. ad L. Falcid.* nudum pactum actionem producit, *l. 26. §. 3. ff. de pact. dotal.* inter patrem & filium lis datur, *l. 5. pr. ff. de agn. & al. lib. l. 9. C. de patr. pot.* Minor sine tutore vel curatore in iudicio esse potest, *l. 1. C. de alim. pup. prest.* ipsa alimenta ex voluntate minus utili & solenni debentur, *l. 1. C. de fideicom. ibique Sichard. n. 4. Gothofr. d. l.*

## LV.

Nec minimum est inter privilegia Alimentorum, quod, qui ad comparanda alimenta maximè necessaria pecuniam mutuò dederit, in concursu Creditorum aliis omnibus præferatur, æquè ac illi, qui funerum expensas fecerunt, *arg. l. 4. C. de petit. hered.* quam prælationem tamen ex *d. l. Dd. ad eum tantum casum restringunt, quando agrotus mortuus est, secus si pristinae sanitati fuerit restitutus, Carpzov. l. F. p. 1. constit. 28. def. 49.*

## LVI.

Sic & speciali alimentorum favore in Legato alimentorum pubertatis tempus protrahitur, ita ut ad pubertatem relicta alimenta debeantur pueris usque ad annum 18. scæminis verò ad 14. *l. Mela. 14. §. 1. ff. de alim. leg. Myns. 3. obs. 12. in pr. Et Legatum*



alimentorum sub conditione relicto, deficiente conditione nihilominus debetur, *l. 13, §. 1. ff. de alim. leg.* ibique Gothofr. *lit. u. l. 84. ff. de condit. & demonstr. l. 1. C. de Legat.* Sic & favore alimentorum incapacibus quoque, veluti deportatis, servis pœnæ, *l. 11. ff. de alim. leg. l. 3. in pr. ff. de his quæ pro non script. hab. l. 10. ff. de cap. min. l. 34. ff. de re jud.* servis propriis sine libertate, *l. 17. ff. de alim. leg. l. 5. §. 2. C. de necess. serv. her. instit. l. 113. §. 1. ff. de legat. i.* alimenta relinquere possunt. Quamvis autem legati alimentorum tantus sit favor; id ipsum tamen nihilominus Falcidiæ subjacet, *l. 68. in pr. l. 89. ff. ad l. Falcid. l. 9. in pr. ff. de alim. leg.* nisi tamen pauperibus relinquatur, *per Auth. similiter. C. ad l. Falcid. Nov. 131. cap. 12.*

## LVII.

Sed & appellationem causa alimentorum non recipit, *l. fin. in pr. ff. de appellat. recip.* & quandoque compensationem non admittit, *l. 3. C. de Compensat.* Elucet quoque favor alimentorum exinde, quod alimenta filio præstita in legitimam non imputentur, *l. 50. ff. fam. ercisc.* & econtra in casu necessitatis pater alienare possit bona filii adventitia, *l. fin. §. 4. C. de bon. quælib.* imò ipsum quoque filium, *l. 2. C. de patrib. qui fil. suos distrax.* quin & furari licet in casu extremæ necessitatis, *arg. cap. discipulos. 26. de consecrat. dist. 5. cap. 3. extr. de furr.* cum eo casu omnia sint communia, *cap. sicuti hi. 47. dist.* fornicari verò non licet, *l. 43. §. 5. ff. de rit. nupt.* Sic favore quoque alimentorum alimentarius non potest accusare alentem, *l. 17. C. de his qui accus. non poss.* Excepto crimine læsæ majestatis, *l. pen. C. eod.*

## LVIII.

Privilegiis alimentorum merito quoque accensetur, quod donatio ob causam alimentorum facta valeat absque insinuatione, si pauperi alicui fiat, de iure quidem veteri usque ad 500. solidos, cum reliquæ ad 300. tantum valerent, *l. 34. pr. & §. 1. C. de donat. l. 19. C. de SS. Eccles.* vid. Carpzov. *T. F. p. 2. const. 12. def. 13.* Schneidevv. *in §. alia. n. 21. Inst. de donat.* De iure verò novissimo etiam ultra 500. solidos, exemplo reliquarum donationum ad pias causas, *l. 36. pr. & §. 2. C. de donat.*

LIX. Egi-



Egimus haec de alimentis tum constituendis, tum constitutis; Restat, ut & modos ea dissolvendi paucis attingamus; Extinguuntur autem atque revocantur primum morte, l. 8. §. 10. ff. de transact. l. 12. ff. de ann. legat. l. 57. §. 1. de usufr. l. 26. §. fin. quand. dies legat. vid. Surd. r. 5. q. 1. qui n. 18. & seqq. plures limitationes adducit Gail. 2. obs. 88. num. 13. & seq. deinde ob ingratitudinem, l. 16. C. de Nupt. Denique propter collusionem, l. 1. §. 1. ff. de jur. aur. anul. Non autem extinguuntur alimenta acquisitione juris aureorum anulorum, d. l. 1. in pr. ff. de jur. aur. anul. non etiam ob absentiam testatoris causa, l. 19. ff. de alim. leg. nec denique repetuntur per captivitatem servientibus praestita, l. ult. C. de postliminio revers.

## COROLLARIUM LOCO

*unicam hancce positionem adjicere placuit.*

**T**Ransactio in causa alimentorum vel Apanagii facta ob laesionem enormem seu ultra dimidium rescindi nequit, cum nec reliquae transactiones ob ejusmodi laesionem rescindantur, Gail. 2. obs. 70. nec possit dici ultra dimidium laesus, cui alimenta debentur ad beneplacitum primogeniti filii, Aur. Bull.

tit. 24.

*Nobilissimo & Literatissimo*

*DN. Respondenti.*

**E**ulge bonis avibus magno succedere Parenti,  
Quaeque olim pressit pulpita, scande libens;  
Scande libens, juvat ista sequi vestigia: nempe  
Sic poteris patrium participare decus.

*Testandi affectus fundebat*

*PRÆSES.*

*Nobilissi.*



*Nobilissimo & Eximio*  
DN. CAROLO LUDOVICO MIEGIO,  
Propinquo & Hospiti meo.

**M**Ajorum titulos, & summi nominâ honoris,  
Non invita quidem complectitur inclytâ virtus;  
Sed tamen ipsa suo laudari nomine quærit,  
Sufficiens alimenta sibi, majora subinde  
Incrementa parat, primos quibus augeat ortus.  
Hoc facis & MIEGI, claræ qui gentis honorem  
Virtutis studio, doctrinæ & laudibus ardes  
Porrigere, æternæ laturus præmia famæ.

*Boni ominis causâ  
ser.*

Robertus Kœnigsmannus,  
Eloq. Professor.

---

**W**eister die nach Ehren streben/  
Hassen bald von Jugend auff  
Faulheit/ und das Laster- Leben/  
Suchen stets der Tugend Lauff/  
Ihr Verlangen ist zu siegen/  
Keinen Lastern unterliegen.

Werther Freunde/ dein Beginnen  
Zeiget deinen Muht und Sinn/  
Du gedenekest zu den Zinnen  
Der beliebten Weisheit hin;  
Zu der Edlen Themis Wesen/  
Durch das stäte Bücher Lesen.

Recht



Recht so/ stelle dein Verlangen/  
Wie du jederzeit gethan/  
Wer sich nichts wird unterfangen  
Kompt zu keiner Ehrenbahn.

Dich wird Ehre bald ergehen/  
So dich ferner Schweiß wird nehen.

Dieses setzet seine schuldigste  
Freundschaft zu bezeugen

Friderich Jacob Daser/  
der Rechten Befliffener.

F I N I S.



Handwritten text in a Gothic script, appearing as bleed-through from the reverse side of the page. The text is arranged in several lines and is largely illegible due to fading and bleed-through.

Handwritten text in a Gothic script, appearing as bleed-through from the reverse side of the page. The text is arranged in several lines and is largely illegible due to fading and bleed-through.





99 A 6944

ULB Halle  
002 822 598


3




Vb 17 — Petro J











17.  
DISPUTATIO JURIDICA  
DE  
ALIMENTIS,

Quam  
SS. TRIADE ADJUVANTE,  
P R A E S I D E  
VIRO NOBILISSIMO, AMPLISSIMO,  
CONSULTISSIMO & EXCELLENTISSIMO  
DN. JOHANNES MELCHIORE GUSCH  
J. U. D. ET IN INCLITA ARGENTORATENSIVM  
Universitate Institutionum Imperialium Professore Cele-  
berrimo, Patrono, Praeceptore ac Promotore suo  
atatem devenerando,

Solenni disquisitioni subjicit  
CAROLUS LUDOVICUS MIEGIUS,  
Argentoratensis,

Ad diem 14. Aprilis.  
Horâ locoque consuetis.



ARGENTORATI,  
Typis FRIDERICI SPOOR.  
ANNO M. DC. LX.